



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipal Kaçanik

01Nr. 60/01-5260/21
Kaçanik: 26.02.2021

Në bazë të nenit 57.1 dhe 57.2 të Rregullores për Punë të Kuvendit, në çështjen e shqyrtimit të Raportit të Punës së Komitetit për Politikë dhe Financa për vitin 2020, Kuvendi i Komunës Kaçanik në mbledhjen e vet të mbajtur më datë 26 Shkurt 2021, mori këtë:

VENDIM
PËR APROVIMIN E RAPORTIT TË PUNËS SË KOMITETIT PËR POLITIKË
DHE FINANCA PËR VITIN 2021

1. Me këtë Vendim, Aprovohet Raporti 01Nr. 60/01-5260/21 - me tekstin e mëtejshëm "Raport Pune i Komitetit për Politikë dhe Financa për vitin 2020".
2. Raporti si në pikën 1 të këtij Vendimi përmban, pikësynimet në lidhje me realizimin e detyrave nga fushë-veprimtaritë që janë në kompetencë të Komitetit për Politikë dhe Financa dhe nivelin e realizimit të tyre lidhur me aktivitetin e zhvilluar për gjatë vitit 2020.
3. Raporti është përmbledhur në gjithsej 10 faqe dhe i njëjti është pjesë përbërëse e këtij Vendimi.

Me këtë Vendim njoftohen: Kryetari i Komunës, Komiteti për Politikë dhe Financa dhe Arkivi.

Kryesuesi i Kuvendit
Kemal Mërseli





Republika e Kosovës
Republika Kosova
Republic of Kosovo



Kuvendi i Komunës Kaçanik
Skupština Opština
Municipal Assambly
- Komiteti për Politikë dhe Financa-

01Nr. 60/01-5260 /2021
Kaçanik, 19.02.2021

**RAPORT PUNE
I KOMITETIT PËR POLITIKË DHE FINANCA,
PËR VITIN 2020**

Kaçanik, Shkurt 2021

PËRMBAJTJA

LISTA E SHKURTESAVE.....	2
1. HYRJE.....	3
2. QËLLIMI.....	3
3. PËRGJEGJËSITË E KOMITETIT PËR POLITIKË DHE FINANCA.....	3
4. AKTIVITETI I KPF.....	3-4
5. ÇËSHTJET E SHQYRTUARA.....	4-5
5. PROPOZIM RREGULLORET.....	5
7. KORNIZA AFATMESME BUXHETORE (KAB) 2021-2023.....	5
8. PROJEKTBUXHETI I KOMUNËS PËR VITIN FISKAL 2021 DHE KËRKESAT E PROJEKTUARA PËR VITETI 2022-2023.....	5-6
9. RAPORTET FINANCIARE	6
10. PROPOZIM VENDIMET PËR ÇËSHTJE FINANCIARE.....	7
11. PROPOZIM VENDIMET TJERA MË RËNDËSI PËR KOMUNËN.....	8
12. VENDIMET	8-9
13. PLANET E PUNËS DHE RAPORTET E PUNËS.....	9
14. ÇËSHTJET TJERA MË RËNDËSI PËR KOMUNËN.....	9
15. SHËRBIMI I KUVENDIT.....	10
16. PËRFUNDIM.....	10

Lista e Shkurtesave

KPF- Komiteti për Politikë dhe Financa

KK- Kuvendi i Komunës

LVL- Ligji për Vetëqeverisjes Lokale

OSBE- Organizata për Siguri dhe Bashkëpunim Evropian

OJQ- Organizata Joqeveritare

IT-Teknologji Informative

KAB- Korniza Afatmesme Buxhetore

QB- Qarkore Buxhetore

DBZHRP -Drejtoria e Bujqësisë, Zhvillimit Rural dhe Pylltarisë

SHIL-Shoqata e Invalidëve të Luftës

DAK-Drejtoria e Arsimit dhe Kulturës

DEFZH- Drejtoria e Ekonomisë, Financave dhe Zhvillimit

PFV- Përfundimin e Vitit Fiskal

Hyrje

Komiteti për Politikë dhe Financa (KPF) si trup i përhershëm punues i Kuvendit të Komunës, është formuar me Vendim të Kuvendit të Komunës 01Nr.60/01-1946/18 më datë: 24.01.2018, në përbërje prej 7 anëtarëve;

- | | |
|-----------------------|---------------------------------|
| 1.Kemal Mërseli | PDK, Kryesues sipas funksionit, |
| 2.Nexhat Loku, | PDK, anëtar, |
| 3.Pranvera Loku | PDK, anëtare, |
| 4.Ekrem Kyçyku | LVV anëtar, |
| 5.Selim Reka | LDK anëtar, |
| 6.Albana Lika (Troni) | AAK anëtare, dhe |
| 7.Hafize Sallahi | NISMA anëtare. |

Përbërja e Komitetit për Politikë dhe Financa, reflekton përfaqësimin e etniteteve politike në Kuvendin e Komunës. Me Komitetin për Politikë dhe Financa, udhëheq Kryesuesi i Kuvendit të Komunës, Kemal Mërseli, sipas funksionit që e ka. Mandati i KPF-së është i lidhur me mandatin e Kuvendit të Komunës.

Kjo përbërje pëson ndryshime, ashtuqë me Vendim të Kuvendit të Komunës, 01 Nr.060/01-27538/20 të datës 23 Nëntor 2020, anëtarja Albana Lika (Troni), pas kalimit të saj në subjekt tjetër politik LVV, zëvendësohet me anëtares e KK, Rabije Sallahi nga AAK.

Qëllimi

Pasqyrimi i të gjitha aktiviteteve të Komitetit për Politikë dhe Financa (KPF) për gjatë vitit 2019, në suaza të përgjegjësisve të përcaktuara në Ligjin e Vetëqeverisjes Lokale dhe akteve nënligjore dhe raportimi i këtyre aktiviteteve tek organi themelues, Kuvendi i Komunës.

Përgjegjësitë e Komitetit për Politikë dhe Financa

Sipas nenit 52.2 të Ligjit Nr.03/L-040 - Për Vetëqeverisje Lokale, KPF-a është përgjegjës për shqyrtimin e të gjitha politikave, dokumenteve fiskale dhe financiare, planeve dhe iniciativave, duke përfshirë edhe dokumentet e planifikimit strategjik, kornizën vjetore buxhetore afatmesëm, planin vjetor të prokurimit, rregulloren vjetore të tarifave dhe ngarkesave, planin vjetor të punës së auditimit të brendshëm, buxhetin vjetor afatmesëm dhe çdo ndryshim të buxhetit të komunës gjatë vitit fiskal si dhe marrjen e raporteve nga kryetari i komunës dhe dorëzimin e rekomandimeve në kuvendin e komunës.

Aktiviteti i KPF-së

Sipas Ligjit Për Vetëqeverisjen Lokale dhe Statutit të Komunës, si dhe kompetencave të bartura nga Kuvendi i Komunës (kompetencës për ndërrimin e destinimit të tokës bujqësore në tokë ndërtimore) KPF-a për gjatë periudhës raportuese është munduar që në suaza të kompetencave të veta t'i realizoj detyrat të cilat janë parashtruar.

Veprimtarinë e vet e ka orientuar në fusha të ndryshme të cilat me legjislacionin në fuqi i janë lënë në kompetencë. Aktiviteti i Komitetit për Politikë dhe Financa është zhvilluar në takime të rregullta mujore. Gjatë periudhës raportuese ky komitet ka mbajtur gjithsej 11 mbledhje të

rregullta. Mbledhjet e Komitetit për Politikë dhe Financa kanë qenë të suksesshme dhe konstruktive. Angazhimi i anëtarëve të KPF-a ka qenë në nivel të duhur. Prezenca e anëtarëve të këtij komiteti ka qenë e rregullt. Në mbledhjet e KPF-së ka mbretëruar një frymë e punës dhe e bashkëpunimit në mes të subjekteve politike të përfaqësuara në këtë komitet. Çështjet që kanë qenë në interes të përgjithshëm të komunës, kryesisht janë aprovuar njëzëri nga KPF. Për të gjitha mbledhjet e KPF-a është mbajtur Procesverbal i cili ruhet me pedanteri dhe është transparent në çdo kohë. Në takimet e KPF-së janë shqyrtuar çështje të ndryshme në interes të komunës. Për disa çështje të caktuara në këtë komitet janë marrë edhe vendime adekuate apo iu kanë rekomanduar organit vendimmarrës- Kuvendit të Komunës për shqyrtim dhe vendosje apo sa për njoftim. Për të gjitha çështjet të cilat është dashur të debatohet Kuvendi i Komunës në seancën e vet, kjo trupë punuese paraprakisht i ka shqyrtuar dhe e ka dhënë mendimin e vet. Në këtë drejtim ka vënë në shqyrtim 68 pikë prej të cilave një pjesë të vogël të tyre (3) i ka vendosur sipas kompetencave të bartura të KK, ndërkaq 55 çështje që janë në kompetencë të KK, e ka dhënë mendimin e vet dhe të njëjtat ia ka Rekomanduar Kuvendit të Komunës për shqyrtim apo marrjen e vendimit adekuat.

Duke marrë parasysh natyrën e çështjeve, ka marrë Vendime për ndërrimin e tokës bujqësore në tokë ndërtimore, për të cilat paraprakisht ka kërkuar mendimin profesional të drejtorisë përkatëse. Po ashtu në çdo mbledhje të KPF-së është aprovuar Procesverbali i mbledhjes së kaluar të KPF-së. Vlen për t'u theksuar se për çdo çështje që ka aprovuar ky komitet, është hartuar akti konform Vendimit të KPF-së.

Në takimet e kësaj trupe punuese kanë marrë pjesë, Kryetari i Komunës apo Nënkryetari i Komunës dhe drejtorët e Drejtorive Komunale, të cilët i kanë arsyetuar çështjet e propozuara sipas fushë veprimtarisë së tyre. Ekzekutivi i komunës në mbledhjet e KPF-a ka dhënë edhe Informacione tjera të nevojshme shtesë aty për aty, apo në mbledhjen vijuese në formë të shkruar për çështje të ndryshme dhe sipas kërkesave të KPF-a.

Bashkëpunimi i KPF-a me stafin ndërkombëtarë gjatë periudhës raportuese ka qenë në nivelin e duhur. Materiali i mbledhjes i është dërguar OSBE, të cilët kryesisht i kanë monitoruar mbledhjet. Materiali i mbledhjes i është dërguar edhe përfaqësuesit të OJQ-ve. Mbledhjet e KPF-së janë mbajtur me dyer të hapura për çdo të interesuar për me i përcjellë mbledhjet, ndërkaq nuk ka pasur të interesuar me i përcjellë mbledhjet. Aktiviteti i zhvilluar i KPF-a në formë të shkurtër është plasuar në faqen zyrtare të komunës. Ftesa për mbledhje është publikuar çdo herë në faqen zyrtare dhe në tabelë të shpalljeve. Gjithashtu në faqen zyrtare të komunës është publikuar Procesverbali i çdo mbledhje dhe është i qasshëm për qytetarë të komunës. Kjo tregon sesa ka qenë transparente kjo trupë punuese ndaj qytetarëve të komunës, mediave, OJQ, etj. për aktivitetin e KPF-së.

Çështjet e shqyrtuara

Komiteti për Politikë dhe Financa gjatë periudhës raportuese i ka shqyrtuar gjithsej, 68 pikë përfshirë Procesverbalin e mbledhjes së KPF, i cili ka qenë pikë e parë e rendit të punës në çdo mbledhje. Çështjet e shqyrtuara janë materiale të përgatitura nga shërbimet përkatëse profesionale të komunës. Propozim Vendimet kanë qenë të natyrave të ndryshme. Në kuadër të propozim Vendimeve janë shqyrtuar çështje të cilat kanë të bëjnë me rregullativen normative, çështje buxhetore, raporte dhe programe të punës së ekzekutivit të komunës, propozim vendime të ndryshme të shërbimeve përkatëse profesionale, dhe çështje tjera më rëndësi për komunën. Në vazhdim do të i potencojmë çështjet të cilat kanë qenë në shqyrtim të Komitetit për Politikë dhe Financa;

Propozim Rregulloret

Në kuadër të kësaj sfere bëjnë pjesë aktet normative të cilat kanë qenë në shqyrtim të kësaj trupe punuese. Në këtë drejtim ky Komitet ka shqyrtuar akte normative të propozuara nga shërbimet përkatëse profesionale, dhe atë:

1. Propozim Rregullore për ndryshimin dhe plotësimin e Rregullores 01/2018 (01Nr. 02-104/01-11899) për bashkëpunimin e komunës me vendbanimet, fshatrat dhe lagjet urbane të Komunës së Kaçanikut / Lënda: 01 Nr. 60/01-36408/19;
2. Propozim Rregullore për Taksat Komunale/ Lënda: 01Nr. 60/01-4863/20;
3. Propozim Rregullore për përcaktimin e procedurave të dhënies në shfrytëzim me pak së një (1) vit të pronës së paluajtshme të komunës/ Lënda: 01Nr. 02- 104/02-26493/2
4. Propozim Rregullore për përkujdesjen dhe mbrojtjen e fëmijës/ Lënda: 01Nr. 04-610/01-30862/20.

KPF i ka shqyrtuar në detaje të gjitha këto propozim aktet normative të sipërsëhënuara, ka dhënë vërejtjet e saja dhe të njëjtat me Rekomandime të këtij komiteti i janë përcjellë Kuvendit të Komunës për shqyrtim dhe miratim apo në procedurë të mëtutjeshme-debatit publik me qytetarë të komunës.

Korniza Afatmesme Buxhetore(KAB) 2021-2023

Si çdo herë kur janë shqyrtuar çështjet buxhetore edhe në vitin 2020, KPF-a i ka kushtuar rëndësi të veçantë; Kornizën afatmesme të shpenzimeve të Komunës së Kaçanikut për vitet: 2021-2023 dhe Buxhetit të Komunës së Kaçanikut, për vitin fiskal 2021 dhe vlerësimet për vitet 2021-2023. Korniza afatmesme e shpenzimeve është dokument fillestar për hartimin e buxhetit të komunës. Dokumente përcjellëse që i kanë paraprirë hartimit të buxhetit për vitin 2021 janë: Qarkoret e brendshme buxhetore. Vetëm për Draftin kornizë dhe dokumentet tjera përcjellëse KPF-a ka debatuar gjerë e gjatë e ka dhënë mendimin e vet, ndërkaq Draftin Kornizë ia ka Rekomanduar Kuvendit të Komunës për shqyrtim dhe miratim. Vlen të përmendet së për Qarkoret buxhetore dhe për Draftin kornizë janë mbajtur edhe dëgjime publike me qytetarë, organizuar nga Kryetari i Komunës respektivisht ekzekutivi i komunës, ku pos zyrtarëve të komunës kanë qenë të obliguar të marrin pjesë anëtarët e KPF, të cilët në këtë drejtim e kanë dhënë kontributin e tyre.

Projekt Buxheti i Komunës për vitin fiskal 2021 dhe kërkesat e projektuara për vitet, 2022 -2023

Në këtë dokument, KPF-a i ka dhënë propozimet e veta për projektet që duhet të hyjnë në realizim më buxhetin afatmesëm të komunës për vitet: 2021-2023. Në këtë drejtim, KPF e ka aprovuar Buxhetin e Komunës për vitin 2021 në shumë: 8,782,599.00€ €, dhe Projektionet për vitet 2022-2023, në shumat buxhetore: 10.054,437.00 € për vitin 2022 dhe: 10,307,848.00 € për vitin 2023. Edhe në këtë plan afatmesëm buxhetor janë futur synimet për secilën veprimtari në pajtim me Statutit të Komunës, dhe çdo herë duke iu dhënë prioritet Listës së Projekteve Kapitale. Në këtë drejtim ka aprovuar një Listë të projektuara nga Ekzekutivi i Komunës me 52 Projekte Kapitale, duke iu dhënë prioritet atyre projekteve që janë me të nevojshme dhe emergjente për komunitetet në shumën, 2,230,125.00€. Duke marrë për bazë faktin se më buxhetin e ndarë për projekte kapitale, nuk mund të realizohen të gjitha projektet e aprovuara,

sepse disa nga projektet kanë hyrë në listë vetëm sa për t'u koduar, mirëpo gjithherë është menduar në angazhimin e organeve të komunës, në nivelin qendror dhe më gjerë për gjetjen e donacioneve më qëllim që projektet e aprovuara të realizohen. Kontributin e vet për çështjen e buxhetit të komunës, KPF-a e ka dhënë edhe në debatet e organizuara më qytetarë, organizuar nga kjo trupë punuese, udhëhequr nga Kryesuesi i Kuvendit të Komunës, ku janë mbajtur 2 dëgjime publike; 1. Me administratorët e fshatrave, vendbanimeve dhe lagjeve urbane dhe 2. Me OJQ dhe grupet tjera të interesit. Pas vlerësimit të thukët nga KPF-a, Projektbuxheti i Komunës për vitin fiskal 2021 dhe Kërkesat e projektuara për vitin 2022-2023, i është përcjellë Kuvendit të Komunës për shqyrtim dhe miratim së bashku edhe me Procesverbalet e dy (2) dëgjimeve publike.

Raportet Financiare

Nga Raportet financiare KPF ka shqyrtuar:

- Raportin Vjetor Financiar për vitin e përfunduar më 31 dhjetor 2019;
- Raportin Financiar të Komunës së Kaçanikut, për periudhën: janar-qershor, 2020;
- Raportin e realizimit të mjeteve buxhetore për periudhën: janar-shtator 2020;
- Raportin Final të Auditivit të Përgjithshëm dhe Planin e Veprimit lidhur me Pasqyrat vjetore financiare, për vitin e përfunduar me 31.12.2019;
- Raporti periodik për zbatimin e rekomandimeve të dhëna në Raportin e Zyrës Kombëtare të Auditimit për PFV 2019;

Të çështja e raporteve financiare, vlen të përmendet se, KPF-a, në disa sektorë vlerëson se janë përmbushur objektivat në pajtim me planifikimin e të hyrave vetjake komunale, ndërsa në disa sektorë në raport më planifikimin ka qenë më pak i kënaqur dhe këto pakënaqësi kjo trupë punuese i ka shprehur sa herë të ekzekutivi i komunës. Arsyetimet e ekzekutivit të komunës lidhur me zvogëlimin e të HVK ka ndikuar edhe çështja e pandemisë, si; mosndalja e kamatave, mos shqiptimi i dënimeve dhe mungesave e mërgimtarëve. Për kundër pandemisë, Komiteti për Politikë dhe Financa e vlerëson pozitivisht realizimin e të hyrave vetjake nga Tatimi në Pronë, duke shpresuar që ky aktivitet të vazhdojë edhe tutje.

Në Raportet financiare, vlen të cekët se KPF-a ka kërkuar sqarime shitesë të shpenzimeve buxhetore në programe të caktuara buxhetore sa herë që janë shqyrtuar raportet financiare aty ku ka pasur paqartësi, ndërsa për çdo shpenzim që ka menduar se është i madh apo më pak i arsyeshëm në raport më nevojat të tjera, ka dhënë vërejtjet e tija, ndërkaq i ka mbështetur rekomandimet e Zyrës Kombëtare të Auditorit për zbatimin e rekomandimeve të paraqitura si në Raportin e vitit 2019, duke shpresuar në zbatimin e tyre apo zvogëlimin e tyre deri në fund të vitit 2020.

Vlen të përmendet se KPF-a ka kërkuar informacion për procedurat e udhëhequra të tenderimit, ndërkaq kanë sugjeruar Kryetarit të Komunës që Zyra e Prokurimit në bashkëpunim me drejtoritë përkatëse komunale të angazhohen lidhur me projektet për të cilat janë zhvilluar procedurat tenderuese, të realizohen në afatet e përcaktuara kohore, ashtu siç e parasheh Ligji i Prokurimit Publik, në mënyrë që mos të ngelin mjete buxhetore në suficit

Propozim Vendimet për çështje financiare

Propozim Vendimeve për çështje financiare, KPF-a iu ka kushtuar një rëndësi e veçantë, në këtë drejtim në pamundësi të realizimit të disa projekteve kapitale apo çështje të tjera, është intervenuar më mjetet që nuk kanë arritur të realizohet sipas Listës së projekteve kapitale nga vitet paraprake, për t'i bartur në ndonjë projekt tjetër kapital. Ndërkaq me qëllim që mos të ngelin mjete buxhetore në suficit, KPF ka aprovuar:

Propozim Vendimin për bartjen e mjeteve vetanake të pashpenzuara në buxhetin e komunës për vitin 2020; Katër (4) Propozim Vendime për rialokim të mjeteve buxhetore sipas buxhetit të vitit 2020; mjeteve nga rezervat komunale sipas buxhetit të vitit 2020

Dy (2) Propozim Vendime për transfer të mjeteve buxhetore sipas buxhetit të vitit 2020; njëri është nga kategoria e pagave dhe mëditjeve sipas buxhetit të vitit 2020; Propozim Vendimin për caktimin e normave tatimore për tatimin në pronën e paluajtshme për vitin 2021.

Për shkak të gjendjes së pandemisë Covid -19, shfrytëzuesit e pronës komunale i është krijuar vështirësi për me paguar qiranë, kështuqë për kundër faktit të zvogëlimit të HVK, KPF ka miratuar, Propozim Vendim për lirim nga qiraja komunale për shfrytëzuesit e pronës komunale për vitin 2020. Gjithashu ka shqyrtuar edhe Propozim Vendim për ndarjen e mjeteve financiare NKP " Stacioni i Autobusëve" SH.A- Kaçanik, për shkak të nuk ka pasur inkasim të mjeteve gjatë kohës së pandemisë.

Kur jemi të çështjet financiare, KPF e ka aprovuar Propozim Vendim për ndryshim plotësimin e e Vendimit për mbulimin e shpenzimeve të varrimit për rastet mortore të paraqitura nga qytetarët e Komunës së Kaçanikut, ndërkaq e ka mbështetur Propozim Vendimin për ndarjen e masën drusore të konfiskuar shkollave të komunës. Të konfiskimi i masës drusore, KPF ka shprehur shqetësim për dëmtimin dhe shkatërrimin e pyjeve në masë të madhe, ndërkaq në anën tjetër, masa drusore e konfiskuar ka vlerësuar së është shumë e vogël apo vetëm 116.19 metër kub (m³), ndërkaq pyjet e komunës janë shkatërruar në masë të madhe.

Për çdo ndryshim buxhetor të propozuar, KPF-a ka kërkuar sqarime të nevojshme nga propozuesi pse ka ardhur deri të ndryshimet buxhetore, e në veçanti ka kërkuar arsye të projektet kapitale që kanë qenë në listë për realizim e nuk janë realizuar në kohën e përcaktuar. Arsyetimet e nevojshme janë dhënë në çdo kohë nga Kryetari i Komunës dhe drejtori i DEFZH për çështjet financiare.

KPF, pos tjerash ka kërkuar në vazhdimësi sqarime të nevojshme nga ekzekutivi i komunës se deri ku kanë arritur realizimi i projekteve që janë në listë për realizim në vitin 2020, ndërkaq ka kërkuar që projektet të realizohen me standarde dhe sipas planit dinamik.

Për të gjitha këto çështje, janë dhënë vërejtjet dhe sugjerimet nga KPF-a dhe të njëjtat i janë Rekomanduar, Kuvendit të Komunës për shqyrtim dhe miratimin e tyre.

Propozim Vendimet tjera më rëndësi për komunën

Propozim vendimet e propozuara kryesisht janë të natyrave të ndryshme me rëndësi për komunën. Në këtë drejtim, KPF ka shqyrtuar:

Propozim Vendimi për rishqyrtimin e Vendimit të KK 01Nr. 104/02-36179 të datës 29.11.2019 për emërtimin dhe riemërtimin e rrugëve lokale pas shqyrtimit të ankesave, kërkesave dhe propozimeve nga qytetarët e Komunës së Kaçanikut nga Komisioni për emërtimin dhe riemërtimin e rrugëve lokale.

Çështje të rëndësisë së të veçantë janë: Propozim Vendimi për shpalljen me interes të përgjithshëm publik Z.K në Strazhë, për projektin “Ndërtimin e Zonës Turistike në Malet e Sharrit”: Propozim Vendimi për shpallje të interesit të përgjithshëm publik për këmbimin e pronës së paluajtshme të komunës me pronën private të Mustafë Lama, për ndërtimin e rrugës në Kaçanik të Vjetër; Propozim Vendimi për shpallje me interes të përgjithshëm publik, Parcela kadastrale Nr. 00494-15, ndërkaq nuk e ka proceduar për KK, Propozim Vendimin për ndarjen e parcelës kadastrale Nr. 00143-1 ZK Doganaj, PSH. KK Kaçanik, për shkak së e njëjta është në procedurë të rivlerësimit të komisionit vlerësues.

KPF gjatë vitit 2020 ka shqyrtuar edhe: Propozim për formimin e Komisionit të Ankesave për dhënien në shfrytëzim të pronave komunale; Propozim Vendimi për formimin e komisionit për hartimin e Planit të Punës së Kuvendit të Komunës për vitin 2020; Propozim Vendimin për formimin e komisionit vlerësues për zhvillimin e procedurave për dhënien e pronave komunale në shfrytëzim afatshkurtër dhe afatgjatë.

Vlen të theksohet së, përmes procedurës së KPF kanë kaluar një (1) Propozim Vendim Paraprake për nderimin e destinimit të tokës bujqësore në tokë ndërtimore të klasës të klasës së 4; Një (1) Rekomandim i komisionit vlerësues për dhënien në shfrytëzim afatgjatë të pronës komunale.

Për të gjitha Propozim Vendimet –rekomandimet e lartcekura, KPF ka debatuar gjerë e gjatë, ka kërkuar mendimin profesional nga shërbimet përkatëse profesionale, dhe të njëjtat me Rekomandime të KPF iu kanë proceduar Kuvendit të Komunës për shqyrtim dhe aprovim.

Vendimet

Komiteti për Politikë dhe Financa, në kuadër të fushë veprimtarisë së vet -kompetencës së bartur nga KK për ndërrimin e destinimit të tokës bujqësore në tokë ndërtimore të parcelave kadastrale të klasës së 5 dhe të klasës së 6, ka marrë gjithsej 3 vendime. Vendimet të cilat i ka aprovuar ky komitet janë: 1.Vendimi 01Nr. 06-350/02-8709/20 -Për Lejimin e ndërrimit të destinimit të tokës bujqësore në tokë ndërtimore, të Bajram Guri nga f. Nikaj, në sipërfaqe, 400m², në PK Nr. 00404-0 në sipërfaqe të përgjithshme 400m², Zona Kadastrale Nikaj, me kulturë, Arë e klasës së 5(Pestë), pronë private në emër të Bajram(Hilmi) Guri, sipas Certifikatës së pronës me Nr. 70917064-00404-0. 2. Vendimi 01Nr. 06-350/01-9670/20 -Për Lejimin e ndërrimit të destinimit të tokës bujqësore në tokë ndërtimore të Bekim Musliu nga fshati Ferizaj në sipërfaqen, 6669m², në Parcelën Kadastrale Nr. P-70917086-01316-0, Zona Kadastrale Kaçanik i Vjetër, me kulturë bujqësore, Arë e klasës 5 (Pestë). 3. Vendimi 01Nr. 06-350/01-9657/20 -Për Lejimin e ndërrimit të destinimit të tokës bujqësore në tokë ndërtimore të Nusret Tifeku nga fshati Vatë, në sipërfaqen, 500m², në Parcelën Kadastrale Nr. P-70917086-01211-2 Zona Kadastrale Kaçanik i Vjetër, me kulturë bujqësore, Livadh i klasës 5 (Pestë). Vendimet janë bërë transparentë në faqen zyrtare të komunës.

KPF-a sa herë që i adresohen propozim vendime të kësaj natyre, sugjeron ekzekutivitet të komunës që të kenë kujdes për mos cenimin e Planit Zhvillimor të Komunës në njërin anë

dhe në anën tjetër, sugjeron që të ruhet tokat bujqësore, sepse fondi i tokave bujqësore në komunën e Kaçanikut është shumë i vogël.

Planet dhe Raportet e Punës

Nga Planet dhe Raportet e Punës kjo trupë punuese ka vënë në shqyrtim;

- Raportin e Punës së Ekzekutivit të Komunës për periudhën, janar-dhjetor, 2019;
- Raportin e Përformances Komunale për vitin 2019;
- Raportin e Punës së Komitetit për Politikë dhe Financa, për vitin 2019;
- Planin e Punës së Ekzekutivit të Komunës për vitin 2020;
- Planin e Punës së Kuvendit të Komunës, për vitin 2021;
- Planin e Punës së Këshillit Komunal për Siguri në Bashkësi (KKSB) për vitin 2021;
- Tre (3) Raporte të Këshillit komunal për parandalimin e Covid -19.

Të përformanca e komunës, Komuna e Kaçanikut është ranguar e 7-ta, d.m.th si komunë jemi mbimesataren në aspektin e përformancës, ndërkaq KPF vlerëson që komunës tonë i mbetet obligim që edhe tutje me u angazhua në ata sektorë ku nuk janë përmbushur objektivat, me qëllim përmirësimi dhe për një përformancë me të mirë në vitet tjera.

Të Raportet e Këshillit komunal për parandalimin e Covid -19, KPF ka propozuar që, për të sëmuarit që janë nga familjet në varfëri, me ua paguar se paku barnat e trajtimit të Covidit. Kjo çështje nuk është marrë parasysh për faktin së është në kompetencë të MSHMS. Gjithashtu KPF ka kërkuar angazhim më të madh të zyrtarëve kompetent në marrjen e masave për zbatimin e rregullave të Covidit dhe njoftimin sa më të shpejtë të mekanizmave relevantë me rastet e të infektuarve.

Çështjet të tjera me rëndësi për komunën

Ndër çështjet tjera më rëndësi për komunën, KPF ka vënë në shqyrtim informatat si vijon:

- Informatë e Zyrës së Personelit, për përdhën: Janar-Dhjetor 2019;
- Informatë lidhur me zbatimin e Planit të Integritetit, për vitin 2019; dhe
- Informatë e Drejtorisë së Arsimit dhe Kulturës për përfundimin e periudhës së parë të vitit shkollor 2019/2020;.
- Informatë e DAK, për fillimin e vitit të Ri shkollor 2020/2021; .

Kur jemi të informatat e DAK, vlen të përmende së KPF sa herë ka shprehur shqetësimet lidhur me numrin e madh të mungesave të nxënësve dhe arsimtarëve, zvogëlimin e numrit të nxënësve në shkolla, si rezultat i migrimit të familjeve jashtë vendit apo regjistrimit në shkolla të komunave tjera. KPF sugjeron rritjen e cilësisë në arsim, vlerësimin punës së arsimtarëve, pajisjen e shkollave me kabinete e laboratorë, pajisjen e shkollave me laptop e projektor, ndërkaq ka shprehur shqetësim për pamundësinë e kyjes në mësim online të të gjithë nxënësve. Të gjitha informatave të theksuara, KPF i ka shqyrtuar në detaje dhe të njëjtat ia ka përcjellë KK në procedurë për shqyrtim.

Sektori i Kuvendit

Punët dhe detyrat e punës së KPF-a përgatiten nga një (1) zyrtar i punësuar në Shërbimin Profesional të Kuvendit të Komunës. Me angazhimin e këtij zyrtari përgatiten mbledhjet e KPF-a, përgatitet materiali i nevojshëm, përpilohet; Procesverbali i mbledhjes, Vendimet dhe Shkresat tjera të dalë nga mbledhjet e kësaj trupe punuese dhe të njëjtat arkivohet për nevojat e Shërbimit Civil të Komunës. Të njëjtat punë ky zyrtar kryen edhe për Kuvendin e Komunës dhe trupat tjerë punuese (komiteteve) të KK, duke u ndihmuar nga një (1) zyrtar i punësuar në Zyrën e Kryesuesit të Kuvendit.

Përfundim

Komiteti për Politikë dhe Financa është i vetëdijshëm se gjatë periudhës raportuese nuk ka qenë në gjendje të realizoj të gjitha synimet e veta në drejtim të zgjedhjes së çështjeve si pasojë e së kaluarës dhe me një buxhet të limituar, por angazhimi i tyre jep shpresë se në një të ardhme të afërt dhe me një angazhim permanent në gjetjen e donacioneve etj. si dhe shqyrtimin e mundësive për shtimin e të hyrave vetanake komunale, gjendja do të përmirësohet. KPF është i mendimit që veprimtarinë e vet në të ardhmen do t'i orientoj në arritjen synimeve në realizimin e projekteve kapitale më rëndësi ekonomike, duke u bazuar në Planin Zhvillimor Urban dhe në Planin Zhvillimor Komunal dhe realizimin e projekteve kapitale më prioritet sipas Listës së aprovuar për vitin 2021, ndërkaq vlerëson se ka nevojë të bëhet më tepër në këto segmente: Zhvillimin ekonomik të komunës, Shtimin e të hyrave vetjake komunale apo së paku realizimin e atyre që planifikohen, Zbutjen e papunësisë, Ngritjen e mirëqenës sociale, Mbrojtjen e pyjeve, Menaxhimin e pandemisë Covid-19, Çështjen e banimit social, Kujdesin primar shëndetësor, Ngritjen e cilësisë në arsim, Përmirësimin e infrastrukturës shkollore, Pajisjen e shkollave me mjete teknologjike; Ofrimin e Shërbimeve publike sa më cilësore, Nevojën për shtimin e subvencioneve dhe transfereve në sektorët: Arsim, Shëndetësi dhe Bujqësi, Përmirësimin e infrastrukturës fizike (rrugë, ujësjellës dhe kanalizim), Mbrojtjen e ambientit, Zbatimin e rregullave të ndërtimit sipas standardeve, etj.

Shkurt, 2021

Për Komitetin për Politikë dhe Financa
Kryesuesi i Kuvendit, Kemal Mërseli

